



Sesida dals

Communitgà ils

Protocol nr.

13 da december 2022

15 da december 2022

974/2022

Dumonda Gredig

concernent la liberaziun da la taglia da traffic per vehichels dal traffic public

Resposta da la Regenza

Tenor l'art. 10 al. 1 da la Lescha introductiva tar la Lescha federala davart il traffic sin via (LItLTV; DG 870.100) pajan las possessuras ed ils possessurs da vehichels a motor ch'èn immatriculads en il Grischun mintga onn ina taglia da traffic. Tenor l'art. 13 al. 1 lit. b da la medema lescha vegn la taglia da traffic per vehichels en il servetsch public reducida fin 50 pertschient, sch'ils vehichels èn equipads spezialmain per quai e sch'els vegnan er duvrads per quest intent.

Sin dumonda e sin basa da l'art. 16 al. 1 lit. b da l'Ordinaziun tar la Lescha introductiva tar la Lescha federala davart il traffic sin via (ORtLItLTV; DG 870.110) po l'Uffizi per il traffic sin via reducir la taglia da traffic per 50 pertschient per vehichels che vegnan duvrads tenor il document dal vehichel per il traffic public da lingia. Sin fundament da quai e sin dumonda vegn concedida ozendi ina taglia da traffic da 50 pertschient per vehichels dal traffic public.

Tar la dumonda 1: Per vehichels dal traffic public vegn pajà mintga onn en il chantun Grischun in import da taglia da traffic da total var 400 000 francs.

Tar la dumonda 2: Ins po partir dal fatg, ch'ina part da las viagiaturas e dals viagiaturs utilisass l'agen vehichel, sch'i na dess betg il traffic public sin via.

Tar la dumonda 3: Tenor l'art. 56 al. 1 lit. b da la Lescha davart las vias dal chantun Grischun (LVias; DG 807.100) van las taglias da traffic cumplainamain a favur dal

quint da las vias e servan en quest connex al mantegniment, a la construcziun ed a la gestiun da las vias en il chantun Grischun sco er al traffic betg motorisà. Sche l'import croda davent u vegn reducì considerablain, stuess quel vegnir cumpensà tras daners da taglia generals supplementars, ubain che las expensas correspundentas en il sector da la via stuessan vegnir reducidas.

Per reducir las emissiuns dal sector traffic conform a las finamiras propona il Plan d'acziun Green Deal per il Grischun tranter auter da rinforzar la promoziun dal traffic public. Sut quest aspect è la Regenza da l'opiniun, ch'i vala tuttavia la paina d'examinar, sch'ins pudess liberar ils vehichels dal traffic public en il chantun Grischun da l'obligaziun da pajar taglia da traffic.

Tar la dumonda 4: La liberaziun da la taglia da traffic per vehichels a motor è reglada en il chantun Grischun en l'art. 12 LitLTV. Vehichels dal traffic public n'èn betg menziunads en quest lieu. In'adattaziun correspondententa chaschunass ina revisiun parziala da la LitLTV.



En num da la Regenza

Il president:

Handwritten signature of Marcus Caduff in black ink.

Marcus Caduff

Il chancelier:

Handwritten signature of Daniel Spadin in black ink.

Daniel Spadin